


## KONGRESY NASIONALIN'NY TIM

## Olona 20.000 eo no handrasana eny amin'ny Magro Tanjombato

O lona miisa 20.000 eo no handrasana ho tonga eny amin'ny Magro Tanjombato mandritra ny kongresy nationalin'ny antoko TIM, izay ho tanterehana ny 1 jolay ho avy izao. Io no anisan'ny nambaran'ny birao politika sy ireo depiote TIM nitafa tamin'ny mpanao gazety afak'omaly, birao politika sy depiote nahitana ny sekretera jeneral Rina Randriamasinoro, ny mpandrindra nasionaly Jean Claude Rakotonirina, ny mpikambana amin'ny birao politika Julien Andriamorasata, ny depiote isany : Fetra Ralambozafimbololona, Ramboasalama Emilien, Alain Ratsimbazafy ary ny depiote Gerry Randriambolaina. Nampa-hafantatra ny fanamboarana ny toerana handraisana izany kongresy nationaly izany izy ireo, mizotra tsara ny asa ankehitriny, hatao mitafo ny toerana handraisana ireo mpizaika an'aliny avy amin'ny lafy valon'ny Nosy handray anjara amin'izany kongresy nationaly izany. Fantatra ihany koa fa mbola hitohy ireo kongresim-paritra hatramin'ny voalohan'ny volana jolay io : ny faran'ny herinandro izao : ny 10, 11 ary 12 jona, ny kongresim-paritra any Fitovinany, hatao ao Manakara ; ny any Atsimo Atsinanana, hatao any Vangaindrano ; ny any Vatovavy hatao any Mananjary. Amin'ny herinandro ho avy kosa ny 15 sy ny 17 jona, no hatao ny kongresim-paritra any Amoron'i Mania sy Vakinankaratra, ary ny 24 jona no hatao ny kongresim-paritra any Alaotra Mangoro. Ireo faritra efa nahavita ny azy kosa dia efa samy nanambara, fa hanana solontena avokoa amin'io



Ny fanamboarana ny Magro Tanjombato, handraisana ny kongresy nationalin'ny antoko TIM.

fihaonamben'ny TIM eto an-drenivohitra io. Fa ankoatra izany nandritra ny tafa tamin'ny mpanao gazety ny talata teo, nanambara ny sekretera jeneral Rina Randriamasinoro fa : «miantso ny fitondrana hamoaka ny datim-pifidianana ofisialy ny TIM, raha ao aminy tokoa ny fahavononana. Maro ireo olona miantso ny hirotsahan'ny filoha RAVALOMANANA ho kandida sy ny hi-verenany indray eo amin'ny fitondrana ary tsy maintsy hisy ny fididianana amin'ity taona ity. Koa miantso ny fitondram-panjakana hamoka ny "décret" sy ny daty mba hiomanan'ny vahoaka sy ny kandida, fa tsy terena ny olona hiditra anaty lisitra kanefa ny "convocation des électeurs" hatramin'izao tsy mivoaka.»

Isambilo

Vehivavy TIM Analamanga

## Nanome fanampiana an'i Ninie Donia



Ny solontenan'ny TIM Nosy-Be, nitondra fanampiana ho an'i Ninie Donia, avy amin'ny Vehivavy TIM Analamanga.

Nanome fanampiana an'i Ninie Donia ny Vehivavy TIM Analamanga taruhan'ny filohany, Arphine Rahelisoa omaly. Izany fanampiana izany dia nala-fa tamin'ny alalan'ny Mobile Money any amin'ny filohan'ny Vehivavy TIM Nosy-Be faritra Diana, Ramatoa Marie Anne. Ny 20 mey lasa teo, nanao hetsika ho fitadiavam-bola ny Vehivavy TIM Analamanga, tetsy amin'ny Espace Dera Tsia-dana hoentiny miasa, sy ho fanomanana ihany koa ny kongresy nationalin'ny antoko TIM, hatao ny 1 jolay ho avy izao.

Isambilo

Misaona ny tontolo politika Malagasy

## Nodimandry ny filohan'ny antoko DHD Harry Naivo Rasamoelina

Misaona ny tontolo politika Malagasy, nodimandry omaly maraina ny filoha nationalin'ny antoko DHD Madagasikara, Harinaivo Rasamoelina. Andrasana eny Nanisana ny nofo mangatsiakany. Ny antoko politika nisy azy koa farany teo dia tao amin'ny fanoherana nia-raka tamin'ny Vondrona Panorama. Nandalo tsy fahasalamana izy ary efa somary niha-

tsara ny fahasalamany, saingy izy izao nodimandry izao. Mitondra ny teny fam-piononana feno ho an'ny ankohonany, ny havana akaiky azy, ny fianakaviana manontolo, ny mpikambana amin'ny antoko DHD Madagasikara ny gazety Ny Valosoa Vao-vao. Mandria am-piadanana Prezidà Harinaivo Rasamoelina.

Stefo



Ny Prezidà Harinaivo Rasamoelina fahavelony.

Ny Valosoa sy fakafaka

## Noho ny ataon-dry Rajoelina Manakoako eran-tany ny laza ratsin'ny firenena

Fantatra ary mazava, fa manakoako eran-tany ny laza ratsin'ny mpitondra fanjakana Rajoelina sy ny manodidina azy rehetra amin'izao fotoana. Ny tatsy amin'ny Nosy la Réunion ohatra dia ity saina fotsy mitsangana etsy sy erao eto amintsika ity, noho ny tsy fahazotoana manangana ny fotsy, mena, maitso, no resaka miparitaka eny amin'ny samy tera-tany malagasy. Vao nandeha ilay fanehoana ilay mikiraviry amin'ny sisin'ny saina iny tetsy amin'ny lanpan'ny tanàna nilazana fa lokom-boasary, dia hoy ireo tany an-toerana nanao hoe : tsy matotra ry Rajoelina sy ny ekipany, tsy mahalala sy tsy mahatadidy ny loko mena fahiny tamin'ny andron-dRatsiraka. Tsy tokony io lokom-boasary io no arantiranty hanimbana saim-bahoaka, fa ny fahaiza-manao. Ry zareo avy any amerika indray dia nilaza fa mialohan'izao fididianana izao, dia hita sy tsapa fa manao "Provocation", mihantsy ady ny fitondrana Rajoelina sy ireo manodidina azy, porofon'izany ny jiro tapatapaka, ny rano tsy mandeha, ny vidin'entana misondrotra tsy miato, miandry hetsika sy fidinana an-dalambe, ka raha vao misahotaka dia tetezamita indray ho entin'ny ekipan-dRajoelina hatrany, ka mety hahatafaverina azy eo indray afaka 2 na 3 taona eo ho eo no ketrehany. Ry zareo avy any Frantsa moa dia tsy vitsy no niteny indrindra fa tao-ran'ny raharaha Fanirisoa Erinaivo, fa politika tsy manjary no misy eto, manao "medecin après la mort" ny fitondrana, sain-jaza amin'ny lafiny maro. Tsy mijery izay laharam-pahamehana, ary manao fam-pielezan-kevitra mialohan'ny fotoana, nefà dia mandrora mitsilany hatrany.

Hatrizay toa tsy mba taitra tamin'ny fizarana moto sy bisikileta na fiarakodia ohatra, ka efa ao anaty fahasotana amin'ny resaka solika vao mizarazara etsy sy erao. Hita sy tsapa fa mody manome fanambatambazana indray mialohan'ny andro vitsivitsy ipetrahana eo, dia efa milaza ankolaka hoe : fidio aho. Ny sasany koa dia naneho fa fizarana galona ny fanondrotana grady izany, teo aminy sy ny tafika ohatra dia efa fiomanana ny hipetraka eo indray amin'ny fotoana manaraka. Ny vazaha nahazoam-peo dia nilaza fa sekoseko any ivelany, fanaronana ny ratsy vita fotsiny ihany ireny, toy ny fananganana faritra faha-24 kasain-katao atsy ho atsy indray. Efa simba avokoa ireo kinasa tamin'ny velirano tsy ampiheverana, vao mihazakazaka etsy sy erao manadio tena, ka nahavita nividy angidimby mihitsy ohatra. Tongot'ila sisa no mihazona azy hoy ny rehetra, satria izay hilatsaka ho fidiana eo dia efa manambana sy maniliaka azy tanteraka mihitsy, aleo hoy ny feo avy any ivelany mamerina an-dRavalamanana eo indray, soa ho lavo hahay hamindra, soa kenda hahay hitsako, toy izay mbola hiaraka amin'Boaikely mandrora mitsilany eo, ka ho loza manarapenitra hafakely eo indray no hitranga.

Beharo

## PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Andry R.